



499
810

Broj: 11/06-38-sl-99/18
Sarajevo, 4.6.2018. godine

SKUPŠTINA KANTONA SARAJEVO
n/r prof. Ane Babić, predsjedateljica

-ovdje-

ZASTUPNIČKO PITANJE

Zastupnik Mario Vukasović je na 40. Radnoj sjednici Skupštine Kantona Sarajevo, održanoj 4.4.2018. godine, u okviru tačke Dnevnog reda „Zastupnička pitanja, inicijative i odgovori“ u skladu sa Poslovníkom Skupštine Kantona Sarajevo, postavio zastupničko pitanje:

1. „*Nakon što je preduzeće Eding telecom u posljednje dvije godine dobilo posao vrijedan 2 miliona KM u dvije godine za projekat elektronskih učionica, a zatim dobio licencu od ministarstva za oblast obrazovanja odraslih, sada su dobili i posao obuke nastavnika iz informatike za 1. i 2. razred u vrijednosti od 200.000 KM u tom istom centru. Koja je referenca na osnovu koje je baš ova kompanija odabrana, da se njima baš dodijeli toliko novac s obzirom da su osnovani prošle godine?*“

ODGOVOR

Na osnovu potreba korištenja i primjene informacionih tehnologija u javnim osnovnim školama koje su pod ingerencijom Ministarstva i provedbe projekta „Elektronske učionice“, a u skladu sa usvojenim Budžetom za 2016. godinu („Službene novine Kantona Sarajevo“ broj: 1/16) i Budžetom za 2017. godinu („Službene novine Kantona Sarajevo“ broj: 53/16), Ministarstvo je ispitalo tržište predmetne nabavke te je u skladu sa Zakonom o javnim nabavkama („Službeni glasnik BiH“ broj: 39/14) sprovelo proces javne nabavke putem otvorenog postupka sa međunarodnom objavom za isporuku i instalaciju računarske opreme za projekat elektronske učionice. Obavještenje za javnu nabavku je bilo objavljeno na portalu e-Nabavke, Agencije za javne nabavke i u Službenom glasniku BiH. Sažetak obavještenja je objavljen i na engleskom jeziku, zbog međunarodne objave obavještenja. Tenderska dokumentacija je bila dostupna na portalu e-Nabavke sa kojeg se mogla i preuzeti. Svi zahtjevi ugovornog organa, pa i zahtjevi u pogledu tehničke specifikacije opreme su dati takvi da je ponudu u ovom postupku moglo dati na desetine ponuđača, posebno jer se radilo o najtransparentnijem postupku javne nabavke, odnosno otvorenom postupku sa međunarodnom objavom i ponuđači su imali više od 45 dana za pripremu ponuda.

Jedan od uslova za dokazivanje tehničke i profesionalne sposobnosti, naveden u tenderskoj dokumentaciji za oba procesa javne nabavke je, da je ponuđač bio dužan dostaviti popis uspješno realiziranih ugovora u skladu sa članom 48. stav 2. i 3. Zakona o javnim nabavkama BiH, čija je ukupna vrijednost u posljednje tri godine u iznosu od najmanje 500.000,00 KM, kao jedan od



uslova kojim se dokazuje ozbiljnost ponuđača. Navedeni uslov, kao i sve ostale uslove, je ispunio konzorcij „Eding Telecom d.o.o. & Commerce Engineering d.o.o. te dostavio dokaze o istom.

Oba postupka javne nabavke su provedena u skladu sa Zakonom o javnim nabavkama i drugim podzakonskim aktima koji regulišu provođenje procedura javnih nabavki te je Ugovor broj: 11-05-38-9394-15/16 potpisan sa najpovoljnijim ponuđačem Konzorcijem “Eding Telecom d.o.o. & Commerce Engineering d.o.o.”

Ministarstvo je nakon nabavke opreme koja je instalirana u 70 osnovnih škola u Kantonu Sarajevo odlučilo provesti edukaciju nastavnog kadra iz oblasti korištenja IT-a u nastavi, posebno s obzirom da je predmet informatika od 2016. godine obavezni nastavni predmet od prvog razreda osnovne škole. Profesori razredne nastave – učiteljice predaju taj predmet i tražili su kontinuiranu edukaciju kako bi mogli koristiti e-učionice i izvoditi nastavu na savremeni način. Edukaciju su prošli svi nastavnici/profesori razredne nastave za prvi (I) i drugi (II) razred osnovne škole sa područja Kantona Sarajevo. Cilj edukacije je bio osposobiti nastavnike/profesore razredne nastave za korištenje hardvera i softvera putem e-učionica u realizaciji nastavnih sadržaja iz NPP-a iz predmeta Informatika, za učenike prvog i drugog razreda osnovnih škola sa područja Kantona Sarajevo.

Poziv za dostavu ponude za pružanje usluga edukacije, stručnog osposobljavanja i usavršavanja nastavnika/profesora razredne nastave iz oblasti korištenja hardvera i softvera iz e-učionice, u realizaciji nastavnih sadržaja iz Nastavnog plana i programa za učenike prvog i drugog razreda osnovnih škola sa područja Kantona Sarajevo, u skladu sa potrebama Ministarstva za obrazovanje, nauku i mlade KS broj: 11-14-21172/17 od 14.6.2017. godine. Ministarstvo je poziv objavilo na web stranici u skladu sa Zakonom o javnim nabavkama („Službeni glasnik BiH broj: 39/14) i Pravilnikom o postupku dodjele ugovora o uslugama iz Anexa II Dio B Zakona o javnim nabavkama („Službeni glasnik BiH“ broj: 66/16) te obavilo javnu nabavku.

U navedenom Pozivu je jasno definisano u Uslovima i zahtjevima koje ponuđači trebaju da ispune da ponuđači koji dostavljaju pozive za edukaciju moraju biti ovlašteni za rad odnosno da je potrebno da **„Privredna društva i udruženja budu registrovana za usluge pružanja edukacije za navedene oblasti i priznata od strane nadležne institucije“**, u skladu sa **Zakonom o obrazovanju odraslih.**

U skladu sa Odlukom o pokretanju postupka javne nabavke broj:11-14-21172/17 od 12.6.2017. godine, Komisija za provođenje postupka javne nabavke formirana Rješenjem broj: 11-14-21171-1/17 od 12.6.2017. godine provela je proceduru nabavke, obavila javno otvaranje ponude, sačinila Zapisnik o pregledu i ocjeni ponuda koja je blagovremeno, a kako je traženo u pozivu za dostavljanje ponude u postupku dodjele ugovora o uslugama iz Anexa II. Dio B Zakona o javnim nabavkama. Ukupno su pristigle dvije ponude od kojih je jedino ponuda Centra za obrazovanje i poduzetništvo Sarajevo, čiji je osnivač **pravni subjekt „VisiTel“ Društvo sa ograničenom odgovornošću za telekomunikacije, uslugu, trgovinu i zastupanje**, ispunjavala formalno-pravne uslove za učešće u kvalifikacijama i tehničke karakteristike kao i druge uslove propisane od strane ugovornog organa. Ustanova za obrazovanje odraslih „Centar za obrazovanje i poduzetništvo“ Sarajevo je prva i jedina upisana ustanova u Registar organizatora obrazovanja odraslih, u trenutku raspisivanja javnog poziva, i akreditovana od strane Ministarstva za obrazovanje, nauku i mlade Kantona Sarajevo Rješenjem: 11/04-38-12096-8/16 od 23.1.2017. godine u skladu sa Zakonom o obrazovanju odraslih („Službene novine Kantona Sarajevo“ broj: 40/15 i Pravilnikom o postupku utvrđivanja uvjeta, sadržaju i načinu vođenja Registra organizatora obrazovanja odraslih („Službene novine Kantona Sarajevo“, broj:24/16).

U skladu sa svim navedenim, Zakonom o javnim nabavkama i Pravilnikom o postupku dodjele ugovora o uslugama iz Anex-a II. Dio B („Službeni glasnik BiH“, broj 66/16) dodijeljen je Ugovor



web: <http://www.monks.ba>
e-mail: monks@ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo. Reisa Džemaludina Čauševića 1



pravnom subjektu „VisiTel-Centar za edukaciju i poduzetništvo“. U skladu sa potpisanim Ugovorom broj: 11-14-21172-6/17, u potpunosti je izvršena usluga edukacije za 350 nastavnika te je dostavljen Izvještaj o istom ugovornoj strani.

2. „Zašto nisu objedinjene sve nabavke iz oblasti vatrodajave i nabavke opreme za skijanje nego je ministarstvo novac posebno prebacivalo svakoj školi i na taj način izbjeglo tendersku proceduru?“

ODGOVOR

Vlada Kantona Sarajevo je na 108. sjednici održanoj 29.12.2017. godine donijela Zaključke kojima je odobrena preraspodjela sredstava u Budžetu Kantona Sarajevo za 2017. godinu u iznosima od 400.000,00 KM sa razdjela 1801001 Ministarstva privrede Kantona Sarajevo i 55.000.00 KM sa razdjela 33010001 Ministarstva prostornog uređenja, građenja i zaštite okoliša Kantona Sarajevo na razdjel 21010001 Ministarstva obrazovanja, nauke i mladih Kantona Sarajevo.

Ministarstvo finansija Kantona Sarajevo je dana 29.12.2017. godine donijelo Odluku o preraspodjeli sredstava u Budžetu Kantona Sarajevo za 2017. godinu za budžetskog korisnika Ministarstvo za obrazovanje, nauku i mlade, broj 08-14-36212-1/17. Tom Odlukom je odobrena preraspodjela sredstava u iznosu od 455.000,00 KM sa razdjela Ministarstva za obrazovanje, nauku i mlade na osnovne škole Kantona Sarajevo, te su svakoj od 65 osnovnih škola preraspoređena sredstva u iznosu od 7.000,00 KM za nabavku opreme.

Obzirom da je svaka škola ugovorni organ i da je ista nadležna za provođenje postupaka javnih nabavki u skladu sa odobrenim i dodijeljenim sredstvima, iste su bile dužne da predmetnu nabavku provedu u skladu sa Zakonom o javnim nabavkama.

Uzimajući u obzir činjenicu da škola, kao budžetski korisnik, ima vlastiti budžet, nije bilo prepreke da sama za sebe provede proces nabavke protupožarnih i protuprovalnih sistema, kao ugovorni organ u skladu sa Zakonom o javnim nabavkama („Službeni glasnik Bosne i Hercegovine, broj: 39/14). Odlukom o preraspodjeli sredstava u Budžetu Kantona Sarajevo za 2015. godinu unutar razdjela Ministarstva za obrazovanje, nauku i mlade na poziciju „Nabavka opreme“ prebačeno po 7.000,00KM školama koje su u svome budžetu imale otvorenu tu poziciju. Na ovaj način su doznačena sredstva za 90 budžetskih korisnika iz nadležnosti Ministarstva za obrazovanje, nauku i mlade. Nabavku protupožarnih i protuprovalnih sistema kao i nabavku opreme za skijanje izvršila je svaka škola za sebe kao ugovorni organ, nije utvrđen poseban princip po kojemu će biti izvršen odabir škola u kojima će ovaj sistem biti ugrađen.

3. „Zašto je Ministarstvo kod nabavke golova izabralo najskuplju ponudu i za 136.000 KM nabavilo 45 golova umjesto planiranih 96 golova, kolika je bila prvobitna ponuda?“

ODGOVOR

Na osnovu provedenog postupka javne nabavke za nabavku i isporuku sigurnosnih golova za osnovne škole na području Kantona Sarajevo, a uzimajući u obzir sigurnosni aspekt školskih fiskulturnih sala i otvorenih školskih igrališta u skladu sa programom podrške od strane Federalnog ministarstva obrazovanja i nauke, nije odabrana „najskuplja ponuda“.

Naime, najpovoljniji ponuđač je izabran, na osnovu kriterija „ekonomski najpovoljnija ponuda“ sa potkriterijima „cijena“ i „rok isporuke“ i u skladu sa zahtjevima tenderske dokumentacije, a ne na osnovu kriterija „najniža cijena“, a u potpunosti u skladu sa Zakonom o javnim nabavkama („Službeni glasnik BiH“ broj: 39/14).

U skladu sa potpisanim Sporazumom o finansiranju od strane Federalnog ministarstva obrazovanja i nauke, a poštujući usaglašenu Listu prioriteta Ministarstva za obrazovanje, nauku i mlade Kantona Sarajevo na kojoj se nalaze 23 osnovne škole na području Kantona Sarajevo te u skladu sa Planom nabavki Ministarstva za obrazovanje, nauku i mlade Kantona Sarajevo i planiranim sredstvima za



web: <http://www.monks.ba>

e-mail: monks@ks.gov.ba

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1



ovu namjenu koje je dodijelilo Federalno ministarstvo obrazovanja i nauke kao finansijer, Ugovorni organ je procijenio da se može izvršiti javna nabavka za rukometne golove (set od dva gola) za sredstva koja su predviđena.

Procijenjena vrijednost za predmetnu nabavku koju je dao ugovorni organ je osigurana iz Budžeta višeg nivoa vlasti, kada Ugovorni organ nema uticaja i nije nadležan za procijenjivanje vrijednosti same nabavke niti broja golova. Prvobitna procjena je urađena na osnovu broja škola sa liste prioriteta škola koje su iskazale potrebu za nabavku sigurnosnih golova, a koja je sastavni dio ugovora između Ugovornog organa i Federalnog ministarstva obrazovanja i nauke, u skladu sa kojom je pokrenuta procedura nabavke sigurnosnih golova. Shodno tome, nakon pokretanja postupka javne nabavke i objavljivanja tenderske dokumentacije utvrđeno je da je potrebno uskladiti kompletnu tendersku dokumentaciju, jer nije bilo moguće obaviti postupak javne nabavke putem tri objave i postupka, a u skladu sa prvobitno objavljenom tenderskom dokumentacijom.

S poštovanjem,


MINISTAR

Prof. dr. Ljilja Ruzićević


Dostaviti:

- Naslovu
- a/a



web: <http://www.monks.ba>
e-mail: monks@ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

